

八十以上男女殺人有差、壬寅、太上天皇還難波宮、十一月癸酉、太上天皇元幸甲寅宮、丙子、太上天皇自難波至、

〔續日本紀孝謙九〕天平勝寶八歲三月甲寅朔、太上天皇武聖幸堀江上、乙卯、詔免河內攝津二國田租、

〔類聚國史帝王三十一〕弘仁十四年九月癸亥、太上天皇嵯峨幸嵯峨莊、先是中納言藤原朝臣三守奏可行幸狀、皇帝和淳即勅有司、令設御輿及仗衛、太上天皇辭而不受、皇帝再三苦請、太上天皇固辭、遂騎御馬、

無前驅并兵仗、

〔類聚符宣抄四〕七月五日、太上天皇嵯峨行幸於紫野院、祿法依去六月一日宣旨行之、無品秀良親王

祿六十屯已了、而六日參議清原長谷真人、以祿法文、轉典侍當麻真人浦虫奏之、即浦虫宣奉勅無品親王祿定一百屯、詔宜令加之者、依宣加之、即以此旨舉申大納言清原卿野夏、卿宣往日勅定可叙三品親王一百屯、可叙四品親王六十屯、既訖、自今以後、外記等臨時舉申、依定行之者、

天長八年十一月十五日
大外記島田朝臣清田奉

〔三代實錄三十六〕元慶三年十月廿二日戊寅、右大臣藤原基經於左仗下、召六府宣旨、太上天皇清和今

月二十四日、可幸大和國、宜其間諸陣戒嚴、廿三日己卯、是日奉綿二千屯、錢一百貫文於粟田院、奉充路中之施行料、是夜戌時、太上天皇出自粟田院、宿粟田寺、以明曉將幸大和國也、廿四日庚辰、

寅時、太上天皇、駕牛車幸大和國、勅遣參議從三位行左衛門督兼美濃守源朝臣能有、率六府將曹志府生各一人、近衛兵衛門部各十人、奉衛太上天皇、太上天皇、勅還參議源朝臣能有、及六衛府官人以下、但參議從三位行治部卿兼備中守在原朝臣行平、參議右大辨從四位上兼行肥後權守藤原朝臣山蔭奉從之、

〔扶桑略記二十三〕昌泰元年十月廿一日、太上天皇宇多有御鷹狩逍遙、其從駕者是貞親王、權大納言右大將菅原朝臣眞道參議勘解由長官源昇朝臣、四位右兵衛督藤原清經朝臣、左近衛中將在原友